

РУСКИ НОВИНИ

ЗА РУСИНОХ У КРАЛЪОВИНИ СХС



Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV.

Нови Сад, пятък 1. юли 1927.

Ч. 26 (133)

Успишне просвищоване народу

Шицким нам миле слово-просвита, просвищовац. Ми сцеме, да народ ше просвищуе, да чита добри кнїжки, добри новини, да крочи напред у добрей култури. Но ствар у тим, же не кажди човек може куповац кнїжки, претплацовац новини, бо не кажди годзен, бо нешка и кнїжка и новини драги, а не кажди и сце, бо або не розуми вельке значене добрей кнїжки-новини, або не ма уньго ише итересу за кнїжку — добри новини.

На яки способ порадиц тому, же би чим вецей людзох читали, же би кажди мал возмозносц просвищовац ше, же би нашо Руснаци покочели напред у просвити.

Треба основац у каждим валале читальну зос библиотеку. — Зос неї би шицки людзе з валалу могли легкó вypoжичац кнїжки, читац и просвищовац ше. Основане таких библиотекох е барз потребне, бо штампане слово — кнїжки, новини — маю у нешкайших временох вельки вплив и значене. Кнїжки и добри новини вельо могу помочи у

напредованю под каждим поглядом. Лем треба найсц способ дац людзом до рукох добру — згодну кнїжку — новини. А найлепши способ ест основац читальню зос библиотеку и розпожичовац кнїжки. Бо кед ми то не зроби ше, найду ше волки у ягнячих скорох, котри даю народу зле — не добри кнїжки — новини, отрую го зос неморальносцу, зос безвирием, зос сектарством и т. д. Едина дакле рада дац народу кнїжку-новини на читане, а то мож лем оствариц, кед оснуеме у каждей парохиї читальни и библиотеки. Зос таку библиотеку управял би месни одбор Рус. народн. просвитног Друштва котри ведно и Одбор Читальни. До управи такого одбору вибрац треба людзох охотних, котри би сцели, да добра ствар ма успех.

Роздумајме о тим добре, и такой берме ше до дїла. Найдобра християнська кнїжка и новини дойду до рукох каждого греко-католика Русина, най ше народ утвердзуе у вири и крочи у просвити, у добробиту и християнскей култури.

Кап.

литически збори и поставля своїх кандидатох.

Тарговел зос дзецми

Полиция у Београду влапела едного Руса на мено Йоан Яневич, зос його жену, котри тарговели зос дзецми. Вони вецей раз путовали до Паризу и до Ческей. Зос собу до Паризу одвели 4 дзеци, за хтори пред полицию гуторя, же там помарли. Тераз зос Ческей заш привели 1 хлапца. Чийо дзеци и цо з нїма робел Яневич несе повесц.

Медзинародна вистава у Любляни

На 2 юла отвори ше у Любляни седма медзинародна вистава и вашар индустриалних произведених. За виставу ше барз интересую. Министерия одобрела пол карти на железницох за шицких, цо сцу опатриц тоту виставу.

Велька пременка опщин. новтарушох

Як цо звичайно пред виберанку у плану су векши пременки опщинских новтарушох. Заступници новтарушох пришли у депутациї до председателя Обласного Одбору у Сомборе а модлели го, най ше заведе при министрови, да ше новтаруше не премесцуо. Уж би наисце було време, да новтаруше буду лем званїчници и да служба лем валалу а не да кортенираю за партиї.

Пошта на крилатицох

Од 25 юла започинаю крилатици преношовац пошту од Београду до Загребу и назад. За тераз ше буду преношовац лем експресово писма. Крилатици буду лєциц два раз на дзень.

Велька слава у Петроварадину

Прешлого тижня на пятък преславел Петроварадин швето Серца Христового зос старославянским богослуженьом. Торжествену службу божу одслужел преч. о. Абодич з Вербасу

зос асистенцию о.о Дра Боича з Дюрдьова и о. Павича з Нового Саду. Вельо швета приступело до св. причастия по нашим обряду. Браца римокатолици не могли ше досц напатриц и нахвалїц красоту нашого восточного богослуженя.

З палицу забил вовка

При варошику Високу розношовал пошту Антоний Бановац и у леше стретнул ше зос старим вовком (фаркашем). Вовк нападнул на писмоносителя, але тот му фришко вохпал палицу до пискох, вовк сцекол и три днї по тим нашли го здохнутого зос палицу, котра му вошла аж до черевох.

Нова катол. гимназия

Тих дньох у присуствию самого папского посланика заложени Загребу темель новой велькей катол. гимназиї. Здания буду таки вельки, да до нїх будзе возмозжно помесциц 500 школярох.

150 рочница крижевскогo владичества

Того року наворачуе ше 150 роки од кеди заложене нашо гр. кат. владичество у Крижевцох. З нагоди того ювилея видае спомен-кнїжка, у котрей будзе написана история шицких наших парохиох. Кнїжку состави О. С. Петранович.

Цукрарня у Осеку

Як капитализам вше баржей рошне доказуе н. пр., же цукрарня у Осеку прешлого року мала 4/ и пол милиони дин. чистого добитку.

Цигане украдли дзецко

При варошу Парачину (Сербия) украдли цигане едного малого хлапца. Кед родителе обачели, же дзецка нет пошли за циганами. Цигане положили хлапца до меху и еден зос нїм сцекол до лесу. Полиция циганох влапела, але дзецко не могу найсц.

У нашцм отечеству

Политическе положение

Медзи радикалами, котри су коло Узуновича (центрумаше) и медзи радикалами цо на влади (Йовановичеваца) посцигнуте согласне и вони ведно виступя на виберанкох против Пашичевцох. Так на пр. у Сомборским округу будзе кандидовац министар Субо-

тич а од Пашичевцох Марко Трифкович. У Сриме Божа Максимович а од Пашичевцох Янич. Борба против Пашичевцох ведзе ше зос тим, же ше их означае як корупционашох. Радичевци пошли до южней Сербии и там агитираю. На велїх местох вигнали их зос заперотками, погнїтим парадичами и з каменем. Кажда партиа отримуе по-

Читайце „Руски Новини“

Друге медзинародне собрание ремесельних помочнікох у Видню

На Русадля отримовал ше у Видню медзинародни конгрес ремесельних помочнікох (шегертох) котри зволало німецке католицке друштво ремесельних помочнікох. Тото друштво було пред войну барз моцне, у войни дакус у (розвою) заостало. 1922. отримовало друштво перши медзинародни конгрес, на котрим було присутни 20.000 членох. Тераз ест 1772 друштва и вецей як 100.000 членох.

Тото друштво напредовало фришко и по других крайох, у Австрії, Мадярскей, Швайцарскей, Чешкей и Америци. Каждая держава ма свой самостални союз, и тераз ше у Видню зишли делегати шицких союзох. Зос поединих державох пришли окреми гайзбани, цо привезли делегатох на конгрес.

Тот конгрес ма важну за-

дачу. Вон сце пред цалим шветом наглашиц, же щесце каждого народа походзи лем зос здорового фамелийного живота. Мир народа е одвисни од духа правдивей демокрації (влади для народа). О тим вельким проблему тримал на конгресу преподаване сам австрийски министр.-председник о. Сайпел.

За времє конгреса були вельки демонстративни опходи по Видню и вельки свечаносци у главней виденьскей церкви св. Стефана.

Тот II. медзинародни шегертски дзень обрацел на себе увагу шицких тих, котри гледаю ліку за нешкайщню друштвену кризу. Тот лік може буц лем: обнова християнскго живота при поединцох и у друштву. А за тим иду катол. друштва ремесельних помочнікох. (—к)

Невозможне положение у большевицкей Русії

Од смерти большевицкого посланика Войкова у Варшаві, положение у Русії страшне. Влада вше вигледує шпионох и революционарох. Ніхто не бизовни за свой живот, чи го дахто не прияви. И самим бвущим пристахом большевицох таке поступованє допило. На местох ше дзвигаю роботниці и земледілци против влади и подпалели вель фабрики. У Одеси и Харкову арештовано 600 особи. На єдним большевицким собранию руцена бомба и велі забити и ранети. Випатра, же большевицка влада остатні сили поклада, да ше отрима.

Нови жертви за виру

Новини являю, же заш у Мехику заштрелели або живих спалели 18 священикох. У варошу Телюка єдвого легиня, котри пасцел ше одрекнунц своей церкви живого прибили на крїж а вец розштрелели. У Квадагари катол. свашеника поляли зос бензином и запалели.

Кончина мадярско-го комуниста

Познати мадярски комуниста Бела Кун, котри вельо крєви прелял у Мадярскей сцєкол до Русії и жил поцагнуто у Москви. Новини пишу, же Бела

Кун тих дньох ошалел и превезлі го до шпиталу.

Лев на теметове

У варошу Астон (Англия) сцєкол з клітки лев у часу, кед го кармели. Вон пошел просто до варошу. Швет кед видзел почал сцєкац. Жени замлівали на улици од страху, хлопи замикали ше до капурох. Лев пошел просто на теметов. Там уж не було нікого лем єдна стара жена клєчала на гробу свойого сина. Лев скочел на ню и розтарг ю скорей як пришла помоч.

Несогласие у французскей влади

З нагоди отриманей памяти погинулим борителюм, тримал министр Поенкаре бешеду, у котрей гварел, же не треба Немецкей ніч попушовац, бо вона ше ніч не поправила. У тей бешеди даєдни видза, же Поенкаре одсудзел миролюбиву политику, котру ведзе його колега Бричнд

Кара за грїх

Тих дньох умар у Ческей у 47 року одпадли священник Др. Фарски. Вон почал вельку агитацию на одпад од катол. вири зос своїм колегом Др. Захрадником и вони основали „Ческу народну Церкву“, гу котрей пришло по агитациї коло 700 тисяч особи. Прешлого року умар Захрадник а тераз и Фарски. Обидвоме умарли од рака на язик. И так ше виполнєло, зос чим хто согрїши на тим будзе и карани.

ШИРОМ ШВЕТА

Англія и Ватикан

Од світовей войны основане при римскей столиці англійске посланство. Того року пришло у парламенту до бешеди, чи да ше тото посланство и надалей затрима. Министр Чемберлен виявел, же го вше ліяк треба затримац, бо римска глава католицескей церкви єст велька сила у швецє и його почитую миллиони англійских гражданох.

Зединене церков у Турскей

У варошу Кади Кей отримане собрание, на котрим ше бешедовало о здинєнню право-

славних церков зос католицеску. Од католицеских достойнихох були присутни апост. делегат у Цариграду, апост. визитатор у Булгарскей, арменски кат. патриарх, греко-кат. епископ, нови булгарски епископ. Од православних: грецки халкед. митрополит, правосл. армен. архиепископ, арменско-грузински епископ, православни булгарски епископ и троме грецки митрополити. Єден учашік крашнє виповед: Да ше можу зединіц браца, котри през столітия оддзелени, треба им побешедовац, же би по бешеди єден другого познал, по познаню приходзи поштованє, по поштованю любов а до любови єдносц.

Зос наших валалох

Руски Керестур

ПРАЗНИК ПРЕСВ. ЕВХАРИСТИИ.

Дня 26. юния торжестве-

но зме прєславели Прєсв. Евхаристию. Була Служба Божя, а по Сл. Божей величави обход доокола Церкви зос прєсв. Евхаристию.

ФЕЛЬТОН

М. Федоренко.

КОРПА.

Доконченє

Але чекайце — Гей, видзице, мало сом цалком не забул єще єдну згуду з єй животу, през котрей згоди би була цала приповедка през вредносци. То ше случело так: Кед уж коситба при краю була, шедзела сама мала, як и до тераз у корпи и бавела ше зос єдну лошку. Вона жила у вельким приятельству с корпу, але не зос самого початку. Перши дзень, кед положели малу до корпи, вона ше гнівала на ню, док ю корпа не виврацела даскельораз и не приклопела малу. Мала ше мушела примириц, бо виврацаня зос корпи на оштру и суху сцернянку, не були баш таки красни и мили, як то с початку випатрало. Мала

ше Пепка поштухала, та єй шицка твар запухла. Зато ше сприятелєла зос корпу. Тераз, кельогодраз ше мала рушела, корпа ю вше пукаючи с прущом опоминала, най будзе мирна. Мала ю слухала од пондзелку рана до другого пондзелку.

Тот други подзелок уж кондащик випуцел „стару“ зос прашатим помедзи марадикки, най себе класки збераю. Прашата як прашата. Док були гладни, та були мирни, а кед ше наєдли уж, та почали комендиї доказовац: обоєвали ше, пасовали и репели єдно до другого. Так дошли и до пол гонох, дзе за єдним вельким марадиком у корпи шедзела мала и праве заспала. — Пестунка на фалаце помагала одберац.

Кед прашата збачели тоту корпу, думали, же то долік, о котрим им „старательо“ приповедала, же єст у нїм вельо яблука (кром-

плї). И вони надумали вишпортац кромплї, та же ше буду госциц. Почали оддолу штортац. Таргали пруще по фалатку... Мала спала анї єй брихи...

„Стара“ зберала класки на фалатку. Кед видзела, же єй нет дзєцох, та почала гр, гр, гр, ... и нашла их у чежкей работи. Праве прєгризли дно и почали цагац перинку спод малєй, а у ню вишла и ножка. Прашата думали, же то озда кромпля, та єдно загризло. Мала ше зорвала и почала врещац. Прашаташе позглекали од Пепки, та почали сцєкац, лем им так хвосцики по воздуху чмигали, а з ухами трєпали як птица, кед лєци. „Стара“ лем згукла на то у шмиху, зграбала малу зос зубами за ножку и преврацела на ню корпу горєбздом. При тим одорвала малєй мали палец и одорвала корпи дно.

Хто зна, цо би єще не

наробєла и од корпи, а и од малєй, да не добєг кондащик и газда зос косу. Чудо би напаратовала! Зос малу мал аж якишик пештански дохтор работи док єй заш не ушорел ношку, же на ню могла о петнац мешацци ходзиц.

А корпа, о котрей на першим месце приповедам, остала през дна чудна, гадна як стара баба, кед ошцєрбацєє. Але голєм ю не лал вецей ніхто и не муцел ю ніхто. Остатня єй мука була на бєгєлю, кед зос ню кондащик по рокови по щєплінкох риби лапац пробовал. Не влапел лем даскельо о штири ноги. Од теди мировала корпа дас тидзєнь.

У тим ю требало газдині, бо квочу ище и шєсту садзєла, же би мала за вшєнь на рєзанє, гоч аж по забивачку (диснотор), а требало єй кури и на файтє. На курніку уж шєдзєли пєйц квочки, та насадзєла шєсту

Народ шицок участвовав и з одушевльнѣм модлѣл ше гу Исусу Христу утавнѣму у Пресв Евхаристіи и шпивал з побожну радосцу: „Хлѣб преестествени и Сам Христос Господь во слави иде.“ Процесія вишла з Церкви, паноец поставел Пресв. Евхаристию на приуготованим престоліку, пречитал св. Евангелие и почал пиніе всеумилительное: Святий Боже, и вец благословел зос Пресв. Евхаристию. Зос писню на устох покочела процесія до другого престоліка, а так до трецого и штвартого, цо були наоколо Церкви приуготовани, и при каждом було читане Евангелиї и часц зоз пинія всеумилительного и благослов и вец вошли до Церкви, скончели пиніе всеум. и Службу Богу.

Вирни барз возхищени зос тим святим Богослуженіем, котре так барз красне, и котре наполнюе шерца зос сердечну побожносцу. Модлели зме од цалого шерца Господа Ис. Христа, да нам поблагослови нашо дзеци, нашо фамелиї, нашо обисца, нашо поля, нас шицких, да Божи благослов будзе вше над нами.

Так зме явно одали чесц и поклон Господу Исусу Христу, утавнѣму у Пресв. Евхаристіи.

Од тераз почнеме каждый нови пяток клечане (кланяне Исусу Христу у пресв. Евхаристіи) през цали дзень пред вилужену пресв. Ев-

харистию, да баржей даме славу Богу, а на вечар на 6. годзин будзе благословь (пиніе всеумил.). Каждей заш новей недзели будзе по вечурні благослов.

КОНЕЦ ШКОЛЬСКОГО РОКУ.

24. и 25. юнія одбули ше испити у наших основних школах. Испити прешли барз крашне, дзеци добре знали, видзи ше, же ше п. п. учитеље и учительки вельо трудза, да нашо поколене вельо доброго и хасновитого науча. Дзеци вообща а особено нашо руски дзеци су жадни науки — знаня, а то им пн. учитеље мудро удзелюю. У каждой класи од I-ей до VI.-ей дзеци крашне отвитовали зос каждого предмету, шпивали писні. Да сце чули як у бавилищу — дзеци од 4-6 роки крашне шпивали руски гимн: Я Русин бул есм и буду. Як тоти малки крашне знали отвитовац, як приповедали як стари добри приповедаче. Цо можу дзеци научиц и то тоти малки зос I. класи, то зме чули и видзели у I. а. кл., у хторей учела пані Наталия Джуня. И у читаню и у рахункох и у приповеданю указали ше нвйлѣпше. А гу тому пришла представа: Червена шапочка. Шицки зме були барз задовольни и дзеквали зме нашей пані учительки за ей вельки труд и щире старане за нашо дзеци. Треба спомнуц, же през ей руки пре-

шли уж тисящи дзеци, оцове, мацери цо су нешка, учели ше при ней, а нешка ше уча їх дзеци, а пані учителька вше еднака, як теди, так и нешка, поважна (озбыльна) добра як добра мац. Жичиме ей од шерца, да нам у здравлю и задовольству поживе на чесц и добро рускому роду.

Так исто и младши нашо п. учительки вело ше трудзели и успех бул красни. Барз ше ми попачела, же пані учительки научели дзеци руско-українски шпиванки. Так, ест, ми Руснаци лем од тамадз од нашей дїдовщини и з Галичини берме, бо то нашо, бо то руске, там маме невичерпаеме жридли. — У шицких класох видзи ше красни успех. Треба признац, же дзеци и крашне ше справую, заховую, лем треба у тим поучиц, навесц, дац добри примир, треба дзеци любиц.

У каждой класи през обидва дні прислуховали ше испитом чесни газдове як зос церковного одбору так и зос валалского зос п. пресидательом. Испитом присуствовав и п. новтаруш.

Так ше скончел школски рок, дзеци крашне покочели у науки, у добрим напред, достали вакації. Но треба, да и под час вакаційох дзеци читаю кнїжки, да ше крашне, побожно и далей модля, да їх тераз цали дзень родителі надпатраю, да беру до помощи, да послаю в недзелю, шве-

то до Церкви, да дзеци не страца през вакації то, цо у школи достали.

А пн. учительком и пн. учительом спада заслужени одпочивок, да ше наужию красотох природи, фришкоко воздуха, да щешлїво препровадза тот кратки одмор, да буду нам здрави, задовольни, то їм шицки од шерца жичиме.

Кап.

Петровци

Дня 19. VI. одбуло ше у нас вельке торжество. Зос Вуковару того дня пришли до нас Орли зос свою красну глазбу. Опрез нїх послали нашо Петровчане кочи, бо зос Вуковару по Петровци ест 9 км., а кед пришли Орли до нашого валалу, посходзели зос кочох и у найлѣпшим шоре зос глазбу на чолѣ вишли до валалу и просто до церкви, дзе були и на цалей служби. Було их цо Орлох цо Орлицох коло 80 души у красних орловских шлитох. Радосно их Петровчане, а особливо младеж, дочекала, а по служби по двойо и по тройо порозберали до себе на полудзеньки, у 3 ходзини по поладню зишли ше шицки орловски музиканти пред церкву и ту виграли даскельо прекрасни композиції, а ми Петровчане, насладзовали зме ше ягоц на даяким красним концерту. По тим ушорели ше нашо орловски госци до красного шору и

на пойд за комин до тей корпи през уха и през дна. Так ше корпова жада випольнѣла. Була задовольна з малим курніком, та ю воздвигли аж на пойд, дзе ані не ошохавела, а ані ше на ней квоки не били бо лем вше по една там шедзела за коминѣм.

Оганял ше од теди дзень зоз ноцу, ешене з лѣтом, а яр зоз жиму. Не здогонели едно друге, але людзе од теди нараховали петнац роки часу. Прешол тот час, як и вше, ані человек не обачел скоро. — Подобни живот бул тей корпи, о котрей приповедам, за коминѣм. Она була у полуцми и вше раховала, же кельо поколеня уж зоз пей вишедзели квоки. Раховала так: Перши рок два, други три, треци шейсц, а исто и остатні шейсц, то би було шицкого ведно..... два и три то пейц. Гу тому шейсц у трецим року, то

еденац и шейсц у остатнім, то седамнац поколеня. Тельо их вишедзели през штири роки. Еше там остали, од петнац, еденац роки. Зоз тих було штири роки по штири, то шеснац, а седем роки по пейсц поколеня, то думам, же триец и пейц. Дакле през тоти еденац роки шеснац и триец и пейц, то ми виноши пейдзешат и едно поколене. То през еденац роки. Од перших трох рокох и остатнього ведно було думам седамнац. А кед зрахуем тоти два числа, видзе ми (длуго и длуго ше мучела, док вираховала точно). Пейдзешат и еден и седамнац то: Пейдзешат и еден и дзешец, то шейсдзешат и осем поколеня шицкого

Шумне то число, пришвечовала себе стара корпа каждый час. А я уж стара. Уж ше ми розпадуо цалком и боки. Не будзем я уж длуго жиц. Мушим уж

умрец. Каждому раз претне шмерц зоз свою оштру косу живот. Уж ше приближуе и мне. Уж я видзим, же час одредзени. Не знам кеди, але скоро. Корпа ше задумала и очековала каждый час свой конец....

Зошицким иньшаки чувства полнели тераз буйни перши младей Пепки. Она постала велька и забула шицко, цо було у перших днѣох ей живота и ані не знала заслуги корпи за ей живот. Ей ше наявел баш тот вечар перши питач. Наявел ше вечар, бо ше таке дацо муши так коньчиц, же би то незнал какжди. А крем того тот питач бул зоз далека, аж зоз трецого нашого валалу.

Ані не чудо! Ша разношел ше глас о красней Пепки але ше ей и доганяло, же надibuе. Кельо ше о тим ширел то нїч, але як ше ширело то, же тота красна дзивка не лем шумна, але богата и единїца

мацерица. Мац ей гдовица. Тото остатне сметало вельом, котри ше брали питац Пепку, и вони ше предумали. Ипак ше нашол еден, котрому не завадзала ані швекра гдовица, ані надибовачка дзивки, бо тото покривали два векши добра по його судзе, а то були ферталі и хижка, як вон звикол гвариц „на лакат“ (Ну углѣ.) Тот ше челедник вибрал зоз трецого валалу, та ше пойдзе женїц, будзе питац Пепку красне и богате дзивче, котре правда, же надibuе, але ма вельки тал; правда, же му мац гдовица, але хижка на лакат! Правда, же му мац кус писката, але то нїч; лем кед вона да тал, та най там пискалуе за буджаком, кельо ше ей сце. —

Правда, же питач не лем о самим тим думал, кед надумал тото дзивче питац, але правда и то, же би ю бул не питал, да не була единїца, да не мала ферта-

прешли през наш валал зос глазбу. Провадзела их младеж и вельо швета. У порти церковней отримали красни наступ. Предсамим наступом привитал их наш о. парох зос краснима словами. Уз музику виводзели вони прекрасни вежби и чешко повесц хто лепше, чи орли зос своїма хлопскіма, чи орлици зос своїма женским вежбама діяствовали на нас, цо сме ше, та озда цали валал на зберали у порти, да видземе, цо може млада челядз зробиц. Не мож шицко описац, цо нам Орли указали, но кед орли на руках вежбали велім ше людзом страх на устох указал. Ту ше видзела сила рукох, ногох па и цалого цела Прекрасного дацо було и то, кед орлици зос шпиваньом виводзели красни вежби. При каждым отходу и приходу вежбачох випровадзовала их музика. А да Вам було видиц, як мали Орли: орлици вежбали. Дзеци од 9 рокох радосно зос шмишком на дзевинских устох вежбали так крашне, ягод да у тим одрасли. Ужиток од 4—7 годзин, цо нам их нашо орловски госці дали, не витре нам ше озда нігда зос шерца. На концу наступа ростолковал нам шицким духовни вожд орлох о. Херувим зос Вуковару глібоке значене Орловскей організації и за цело, алє и за душу. — Наступ орлох у

лі и хижу „на лакат“. (на углє.) — — —

Задовольни ше врацел питач до своей родзини по олдомашох, цо их плацел, за свой успих при будущей швекри. Шицко у шоре, ше хвалєл вше, кед ше му пайташе на олдомашу питали, же як там було.

Длуго не могол заспац. Накеди заспал шніло ше му, же уж водал свою Пепку най порихта шицко, цо треба на польо слугом, бо их вон сце пойсц опатриц, же як там робя. Шніло ше му, же уж шедзел на кочу, у котрим були два пишни конічки запрагнути. Пепка му отверала капуру, алє не могла цошкаль отвориц. Неправо му було, та скочел зос посцелі, а думал, же є на кочу, та вишол вонка гу капури, же ю отвори. Нараз вискочи пес зос конгу гу ньому и збреше на ньго. Вон ше зорве зос сна и видиц на капури стару корпу през дна; исту тоту корпу, цо ю купела Пепкова мац пред

Петровцох не остал през успиху. Наша молодеж увидзела, же єст и иншак их ужиткох за млади швет, а не лєм тоти, цо ше находзи по карчмох при палєнки, лебо вина увидзела наша младеж, же ноцни бависка не водза гу доброму нігда, па одлучєла зос тим старим, недобрим обичаєм прервац. „Кед Орли, цо гу нам пришли и таки вештини и моц цела указали, а да то осягну, одрекли ше свойого шлебодного часу, цо го маю по своїх службених роботох и место по забавох ходзели на вежби, чом да ше и ми не одрекне наших недобрих обичаюх и место да ше оганяме в ноци по валалє па и биєме, место да шедземе у смроднім корчмарским воздуху и труєме ше зос напоєм, нач да ше не сходзиме у нашей „Просвити“, дзе би и ми могли у красних вежбох препровадзиц шлебодни нашо часи! Чом да не будземе и ми орли?“

Чуєме, же наша младеж поженєта а и не женєта у вельким ше числу сце уписац до Орлох. Дай Боже! Родителі не буду вещей страховац за живот и чєсц своих дзєцох. Не буду у бріги, дзе ше терас находза нашо дзєци. Вони буду у миру, бо знаю, же им дзєци Орли, хтори по строгих своих законох лєм у чєсноти, чєсним вежбаню, читаню и просвіщованю

петнац роками на кулянским вашаре за форинт и двацєц пейц грайцари, а на нєй було швидко написане: „Мойому першому питачови!“

Нєщєслїви ше питач до раз здогадац, же цо то значи. Такой зорвал нагнівани корпу зос капури, тоту исту корпу, у котрей ше його несудзєна Пепка замалючка колїсала и котра вечар вираховала, же ше зос нєй уж шейдзєшат и осєм поколєня його несудзєней швекри курчата виджубали зос вайцох. Поламал нагнівани єй слабе пручє и шпурєл го до пєца, до котрого ше баш топєло. Пручє спрацало у огню, а пирню з нього витор порозношєл.

Накєди ше розвиднєло, лєгко отворєли капуру питачови його родзина и пуцєли го не на польо, як ше му шніло, алє да цо скорєй понагля дому прєчитац, цо пише у Руских Новинох о корпи.

препровадзую шлебодни свойо часи.

У 1/28 годзини охабєли нас мили нашо орл. госци. До накрай валала ишли пешо зос граньом їх глазбі, а далєй одвєзли их нашо Петровчанє на кочох. До

Швєточни отпочивок

Недзєля 3 по Сош
ЕВАНГ. МАТ. ЧЛ. 6. ЗАЧ. 18.

Рєчє Господ: свѣтильникъ тѣлу єсть око: аще убо будєть око твоє просто, все тѣло твоє свѣтло будєть: аще ли око твоє лукаво будєть, все тѣло твоє темно будєть, аще убо свѣтъ иже въ тебѣ тъма єсть, то тъма кольми. Никтоже можєть двѣма господинома работати: или бо єдинаго возлюбитъ: а другого возненавидитъ, или єдинаго удержитєся, о друзѣм же нерадѣти начєть: не можєте Богу работати и мамонѣ. Сєго ради глаголю вамъ: не пєцѣтєся душею вашею, что ястє, или что пїєтє: ни тѣломъ вашимъ, во что облєчєтєся: не душа ли больша єст пици, и тѣло одєжды, Возрїтє на птици небєсния, яко не сѣютъ, ни жнутъ, ни собираютъ въ житница, и оцєць вашъ небєсный питаєть ихъ: не вы ли пачє лучши ихъ єстє. Кто же от васъ пєкїйєся, можєть приложити возрасту своему лакоть єдинъ. И о одєждѣ что пєчєтєся: / смотрите крїны сельныя, како растутъ: не труждаются, ни прядутъ. Глаголю же вамъ, яко ни Соломонъ во всєй славѣ своей облєчєся, яко єдин от сїхъ. Аще же сѣно сельное днєсь суше, и утрѣ въ пєщѣ вметємо, Богъ тако одѣваєтє не много ли пачє васъ маловѣри.

Не пєцѣтєся убо, глаголюще: что ямы, или что пїємъ, или чимъ одєждемєся; Всѣхъ, бо сїхъ язици ищутъ вѣстѣ бо Оцєць вашъ небєсный, яко трєбуєтє сїхъ всѣхъ. Ищите же прєждє царствїя Божия и правды єго, и сїя вся приложатєся вамъ.

Цо на тим швєцє роби людєох занєзбатица за правду божу: цо их найвєцєй одводзи од Бога: цо их роби безвирцами и практичними материєлистами?! Мушимє признац, же причина тому, перша и найвєкша, єст прєкомирнє старанє за живот того швєта. Людє ше обично найбаржєй стараю, як да сєбє приобрєа цо вєцєй блага за жємски живот. Так ше трапя, так робя, як да

накрай валала, випровадзала их цала наша молодеж и сила старшого швєта! Петровскей молодежи, цо одлучєла ступиц до орл. організації, жадаю „Руски новини“ добри успих. . . .

маю ту на вики остац. И у тих бригох барз лєхко забуц на свой циль, прє котри змє створєни; барз лєхко забуц на Бога и душу.

И у тим найчєшим вопросу толкує нам Исус нєшка у св. євангєлий мудросц и правду, котрей ше мамє трємац на тим швєцє у нашим стараню за жємски живот. Вон виявлює, же перша наша брига ма буц тота, да виполнїмє волю божу т. й. да глєдамє царство небєснє, а гєвто шицко нам Бог приложи, як радиш.

II
Людєє даклє на тим швєцє не шму ше прилїпиц гу материї того швєта так, же да забуду на свой главни циль: а то є слава божа и спасєнє души.

Кажди искрєни чловєк божї муши мац у сєбє дух одрєканя и дух воздержаня. Без того не можє буц спасєни. Чловєк божї нєшмє ше залюбиц до того швєта! Його душа муши лєциц више аж гу нєбу. Так робєл Христос, так робєли святи, так шицки правєдни души. Тот дух одрєканя мушимє и ми мац у сєбє, кєд сємє буц спасєни. У тим одрєканю мушимє остац до шмєрци.

Нїхто не можє повєсц: „Досц було ше стримовац!“

Тєраз ше уж не подам гриху, тєраз лєм сєбє будзєм мирно жиц!“ Христос нам гварєл: Бдїтє и молитєся, да не внїдєтє во искушєнїє, дух убо бодр, тїло же немочно. Св. Павло гутори: „Блюдитє, како опасно ходитє, не яко же немудри, но яко премудри, искупующе дєнь, яко днєє лукави суть. А св. Пєтро гутори нам, же наш нєприятєль, дїявол, ходзи коло нас, як ричущї лєв и глєда да кого прилїгнє. (I. Пєтр. 5.8).

Кєд ми даклєм не меркуємє на сєбє зос молитву и ласку божу, алє ше бизаємє на самих сєбє, и припушамє сєбє и такє, цо Богу нємилє, тєди наш пад блїзкї. Мамє приклад од самого апостола Пєтра, хтори ше барз збизовал на свойо сили, па, єто, затаєл од страху Христа. У кнїги „Дїянїя Мучєникох“ описує нам сє, же у Риму за врємє прогонєния жила єдна богата християнска панї, котра зберала мучєни тїла християнох и погрєбала их. Раз нашла єдно тїло, у хторим ищє було живота. Вона так допєтрала того мучєника, же вон на коцу цалком виздравєл. Ну, тєди на самим концє, не потримали ше у чистотї, алє спадли обидвойо до гриху прєлюбочїнства.

У тим вєцка страцєли и вєру и заш постали поганє и вєди у гриху. Яки смутни приклад!! Вон нас ма опоминац: „Хто стої най патри, да не спаднє! М. Мудри.